



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 45. i 46. Zakona o pravobranilaštvu ("Službene novine Kantona Sarajevo", br. 33/08 - Novi prečišćeni tekst, 7/12, 44/16 i 45/21), člana 15. Odluke o Pravobranilaštvu Općine Novo Sarajevo („Službene novine Kantona Sarajevo“, br. 9/03 - Prečišćeni tekst i 53/16), člana 50. i 146. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 – Ispravka) i Zaključka o utvrđivanju standarda i kriterija za izbor i imenovanje Pravobranioca Općine Novo Sarajevo u Pravobranilaštvu Općine Novo Sarajevo broj: 11-30-2-509/26 od 21. 1. 2026. godine, Općinska načelnica objavljuje

**JAVNI OGLAS
ZA IZBOR I IMENOVANJE PRAVOBRANIOCA OPĆINE NOVO SARAJEVO
U PRAVOBRANILAŠTVU OPĆINE NOVO SARAJEVO**

- **Pravobranilac Općine Novo Sarajevo 1 izvršilac**

Opis poslova:

Pravobranilac Općine predstavlja Pravobranilaštvo, rukovodi njegovim radom, vrši prava i dužnosti utvrđene zakonom, Odlukom o Pravobranilaštvu Općine Novo Sarajevo i drugim propisima; zastupa Općinu pred sudovima u zemlji, inostranstvu i upravnim organima; rukovodi Pravobranilaštvom, programira i planira poslove i zadatke i potrebna sredstva za njihovo izvršavanje; prati zakonske propise i primjenu istih; potpisuje dokumenta iz nadležnosti rada Pravobranilaštva; izrađuje u saradnji sa zamjenicima pravobranioca opće akte i propise iz djelokruga rada Pravobranilaštva; učestvuje u izradi zajedno sa zamjenicima pravobranioca Izvještaja o radu Pravobranilaštva, kao i uočenim pojavama i problemima u primjeni zakona i drugih propisa te općinskih odluka od značaja za ostvarivanje funkcije Pravobranilaštva; brine se o realizaciji akata koji su usvojeni na Općinskom vijeću, koji se odnose na Pravobranilaštvo; neposredno učestvuje u izvršavanju najsloženijih poslova i zadataka; vrši kontrolu rada zaposlenih; daje prijedloge Načelnici Općine o ocjeni nagrađivanja i odgovornostima uposlenika u radu, stara se o stručnom obrazovanju i usavršavanju; u skladu sa zakonom i drugim propisima odlučuje o pravima i dužnostima, kao i odgovornostima svih uposlenih u Pravobranilaštvu; uspostavlja saradnju sa općinskim pravobranilaštvima, kantonalnim, Federalnim i Pravobranilaštvom BiH; vrši i druge poslove iz domena rada Pravobranilaštva, a koji se odnose na nadležnost ovog radnog mjesta.

Pravobranilac Općine Novo Sarajevo se imenuje na period od četiri godine i može biti ponovo imenovan.

Imenovanje kandidata na navedenu poziciju vrši se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13- u daljem tekstu: Zakon), Zakona o pravobranilaštvu ("Službene novine Kantona Sarajevo", br. 33/08 - Novi prečišćeni tekst, 7/12, 44/16 i 45/21), Odluke o Pravobranilaštvu Općine Novo Sarajevo („Službene novine Kantona Sarajevo“, br. 9/03 - Prečišćeni tekst i 53/16) i Statuta Općine Novo Sarajevo.

Kandidati za imenovanje na poziciju Pravobranioca Općine Novo Sarajevo, dužni su ispunjavati sljedeće opće i posebne uvjete:

a) Opći uvjeti:

- da je državljanin Bosne i Hercegovine i Federacije Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja ovog javnog oglasa,
- da se na njega ne odnosi član IX. 1. Ustava Bosne i Hercegovine,
- da ima opću zdravstvenu sposobnost potrebnu za obavljanje poslova Pravobranioca,
- da se protiv kandidata ne vodi krivični postupak,
- da nije osuđivan za krivična djela koja po zakonu predstavljaju smetnju za rad u državnim organima - Pravobranilaštvu.



b) Posebni uvjeti:

- da ima završen Pravni fakultet VSS/VII (diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja,
- položen pravosudni ispit,
- da ima iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju od najmanje tri (3) godine nakon položenog pravosudnog ispita, a koji je radeći u tim organima i pravnim licima stekao ugled pravnog stručnjaka i koji posjeduje najviše moralne osobine za obavljanje službe Pravobranioca Općine Novo Sarajevo,
- ne vrši inokosnu funkciju niti je član izvršnog tijela političke organizacije, kako to propisuje član 26. stav (2) Zakona o pravobranilaštvu, odnosno, da nije na funkciji u političkoj stranci kako to propisuje član 5. Zakona o ministarskim, vladinim i drugim imenovanjima Federacije Bosne i Hercegovine.

Kandidati su dužni uz prijavu, priložiti sljedeću dokumentaciju:

- kraću biografiju sa adresom i kontakt telefonom, svojeručno potpisanu,
- ovjerenu kopiju diplome Pravnog fakulteta, odnosno Bakalaureata/Bachelor prava sa ostvarenih 240 ECTS studijskih bodova Bolonjskog sistema studiranja,
- ovjerenu kopiju uvjerenja o položenom pravosudnom ispitu,
- uvjerenje - potvrdu o radnom iskustvu u struci nakon položenog pravosudnog ispita,
- izvod iz matične knjige rođenih,
- uvjerenje o državljanstvu (ne starije od 6 mjeseci),
- ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 godine prije dana objavljivanja ovog javnog oglasa ili izjavu da nije radio u državnoj službi,
- ovjerenu izjavu da kandidat nije obuhvaćen članom IX. 1. Ustava Bosne i Hercegovine,
- ovjerenu izjavu da ne vrši inokosnu funkciju niti je član izvršnog tijela političke organizacije, kako to propisuje član 26. stav 2. Zakona o pravobranilaštvu, odnosno, da nije na funkciji u političkoj stranci kako to propisuje član 5. Zakona o ministarskim, vladinim i drugim imenovanjima Federacije Bosne i Hercegovine.

Dokumentacija koja se prilaže uz prijavu, mora biti original ili ovjerene kopije, s tim da se ista neće vraćati kandidatima koji su se prijavili na Javni oglas.

Kandidatima se ne dostavljaju pisane odbijenice, pa se zato, kako to Zakon propisuje, naglašava: Podnosioci prijava sa kojima se ne stupi u kontakt u roku od 30 dana od dana isteka roka za podnošenje prijava, neće biti uzeti u razmatranje u daljem procesu imenovanja.

Komisija za provođenje postupka izbora i imenovanja kandidata na poziciju Pravobranioca Općine Novo Sarajevo (u daljem tekstu: Komisija) pregledat će sve prijave koje stignu u propisanom roku. Komisija će na osnovu principa iz člana 3. Zakona o ministarskim, vladinim i drugim imenovanjima Federacije Bosne i Hercegovine i utvrđenih standarda i kriterija za imenovanje, sastaviti Listu sa užim izborom najboljih kandidata koji ispunjavaju kriterije za imenovanje. Ni jedan kandidat neće biti stavljen na Listu sa užim izborom ukoliko nije povoljno ocijenjen prema kriterijima za imenovanje. Komisija poziva sve kandidate sa Liste sa užim izborom najboljih kandidata koji ispunjavaju kriterije za imenovanje, na intervju, a ti kandidati su dužni, prije intervjua, Komisiji dati podatke o ranijim poslodavcima, odnosno neposrednim rukovodiocima od kojih se mogu dobiti preporuke i informacije o kandidatu, te popuniti obrazac u kome su dužni iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Nakon intervjua i na osnovu u potpunosti dokumentovanih odluka svakog člana Komisije, Komisija će putem pisane preporuke predložiti Rang listu sa najboljim kandidatima Općinskoj načelnici, na daljnje razmatranje.

Pisana preporuka sadrži sve relevantne informacije koje Komisija ima o kandidatima i njene preporuke.

Smatra se da je kandidat koji je prvi na Rang-listi i kojeg je preporučila većina članova Komisije, najuspješnije prošao otvorenu konkurenciju.

Ukoliko se ne može izvršiti konačno imenovanje kandidata koji je prvi na Rang-listi zbog bilo kojih razloga navedenih u članu 12. Zakona o ministarskim, vladinim i drugim imenovanjima Federacije Bosne i Hercegovine, kandidati koji su rangirani kao sljedeći na Listi s užim izborom bit će razmatrani za imenovanje.

Shodno odredbi člana 15. Odluke Općinskog vijeća o Pravobranilaštvu Općine Novo Sarajevo („Službene novine Kantona Sarajevo“, br. 9/03 - Prečišćeni tekst i 53/16), Odluku o imenovanju Pravobranioca Općine Novo Sarajevo donosi Općinsko vijeće, na prijedlog Općinske načelnice.

Prije dostavljanja prijedloga Općinske načelnice Općinskom vijeću, kandidat je dužan dostaviti:

1. Uvjerenje nadležnog Kantonalnog suda, da se protiv kandidata ne vodi krivični postupak (ne starije od tri mjeseca); i
2. Uvjerenje nadležnog Opštinskog suda, o neosuđivanosti kandidata za privredni prestup (ne starije od tri mjeseca).

Napomena: Uvjerenje o neosuđivanosti za krivična djela koja po zakonu predstavljaju smetnju za rad u državnim organima - Pravobranilaštvu, koje izdaje nadležni MUP (prema mjestu rođenja), pribavlja Općina Novo Sarajevo u toku provođenja postupka izbora i imenovanja kandidata na poziciju Pravobranioca, a sve shodno Zakonu o zaštiti ličnih podataka, te aktima Institucije Ombudsmena za ljudska prava Bosne i Hercegovine.

Kandidat koji bude imenovan za Pravobranioca Pravobranilaštva Općine Novo Sarajevo, prije preuzimanja dužnosti, dužan je dostaviti Uvjerenje o zdravstvenoj sposobnosti za obavljanje poslova Pravobranioca.

Javni oglas biće objavljen u "Službenim novinama Federacije BiH" i dnevnom listu „Dnevni avaz“ i na web stranici Općine www.novosarajevo.ba

Rok za dostavljanje prijave je 15 dana od dana posljednje objave Javnog oglasa.

Neblagovremene i nepotpune prijave neće se razmatrati.

Prijave i traženu dokumentaciju dostaviti preporučenom poštom u zatvorenoj koverti, na adresu:

OPĆINA NOVO SARAJEVO

71000 SARAJEVO

ul. Zmaja od Bosne broj 55

sa naznakom:

**„Prijava za Javni oglas za izbor i imenovanje Pravobranioca Općine Novo Sarajevo
u Pravobranilaštvu Općine Novo Sarajevo – NE OTVARATI“**

Broj: 11-30-2-510/26
Sarajevo, 21. 1. 2026. godine


OPĆINSKA NAČELNICA